


Awe ta Dia Internacional di Museo:

MUNDO HENTER CU E LEMA: "MUSEONAN, GENERADOR DI CULTURA"




ORANJESTAD (AAN) - Awe dia 18 di Mey ta Dia Internacional di Museo. Mundo henter ta enfatiza e dia aki, cu e lema "Museonan: generador di cultura". Aruba ta conta cu tres museo: Museo Historico Arubano situa na Fort Zoutman, Museo Numismatico situa na Zuidstraat (patras di Warda di Polis) y Museo Arqueologico den Zoutmanstraat.

Den e ocasion aki DIARIO ta trese dilanti un recopilacion di informacion tocante e Museo Arqueologico di Aruba, cual por cierto ta funciona den un edificio den mal condicion, y sin e espacio suficiente pa presenta e coleccion di obhetonan historico na publico, loke sinembargo no ta kita e personal nan voluntad pa sigui traha y duna e comunidad Arubiano e oportunidad di conoce mas di nan origen e identidad.

HISTORIA: Museo Arqueologico Aruba (MAA) a worde habri pa publico na aña 1981. E tempo ey e museo tabata parti di "Archeologish

en Antropologisch Instituut Nederlandse Antillen (AANIA). E museo tabata muestra den su exposicion permanente, obhetonan di e periodo prehistorico (periodo prome cu e Spañonnan a yega Aruba), cualnan a ser haya durante excavacionnan efectua door di AANIA. Por ser bisa cu e instituto aki tabata encarga cu e parti cientifico/investigativo di arqueologia di Aruba y cu MAA tabata procura pa e informacion obteni durante e trabaonan di investigacion yega na e publico den forma di exposicion di obhetonan, foyeto, boeki, etc.

Na aña 1986, Museo a pasa na forma parti directo di Instituto di Cultura di Aruba, unda cu e trabaonan tanto investigativo como informativo riba tereno di arqueologia a bay forma parti di e trareanan di Museo Arqueologico. Na e trareanan aki a worde agreea e plan di e preservacion di Aruba su herencia arqueologico.



check out
hoe de naam in
elkaar zit.

kan als bron
gebruikt worden

10 mei 1993

Dario

Als bron
by introductie
gebruikt
Niets is
minder dan
waar!